


石倉十二代詩選



明次集三之八

漢書門			
三四二册	一〇架	九七函	三七四入號類

三九函	一四二册	三七四入號類	漢書
-----	------	--------	----

内閣文庫			
番號	漢	3745	
冊數	142 (110)		
函號	319	25	

明次集一百八



石倉十二代詩選

明次集卷三十三

夢草篇

大明

嘉興姚綸著

後學曹學佺閱

夫子學師襄琴圖

藏書文庫

周衰樂廢缺正聲幾湮沈苟無獨識者世遠將
焉尋所以孔夫子俛學師襄琴初彈猗蘭操再
鼓文王音至和格鳥獸踰舞娛人心此圖寫遺
意出高流水深披玩發長嘒視古猶視今

春閨怨

歷代詩選

月兆允言

次集卷卅三

一

春閨無人春日長鶯聲恰恰啼垂楊美人睡起
倦梳洗芳容嬌褪梅花香綠雲鬢髻釵半蟬蛾
眉感處開愁鎖繡奩塵掩秋月輝口脂紅淡櫻
桃顆玉笙何處吹伊涼紫騮驕嘶隔粉墻停針
懶刺雙鴛鴦倚欄躊躇空斷腸守宮點腕紅凝
血一寸芳心萬愁結宜男正開郎不歸東風滿
地梨花雪

雪景

寒空飛雪滿天地玉壺中一色梨花月千家柳

絮風山童候虛牖吟客載孤蓬試問陽春曲何
如白戰工

畫馬

何年來駿骨畫史貌能真千里電一掣五花雲
滿身香塵金谷道青草玉關春獨立渾無侶長
鳴似向人

華山高睡圖

白雲深似海長日睡骨騰脫帽露雙髻支頤曲
一肱聞鶻時已定化蝶夢無憑惆悵華山頂無

人得解登

題畫

風景蒼茫地人家遠近煙雲低長碍樹江濶欲
浮天白日消碁局青山落釣船平生蕭散意對
此轉堪憐

紅白荷花

鏡底新粧扇底歌倚風無力舞婆婆娑醉來西子
容偏媚老去秋娘髮已皤霞暖繡衾春夢雨雪
香羅襪曉凌波分明太液池頭見點染風流更

覺多

城市山林爲玄妙觀羽士賦

步入東關一徑深始知城市有山林黃梁不作
塵中夢白日長閒世外心鳳載紫簫吹落月鶴
窺香靄聽鳴琴人間只此爲蓬島何用仙槎海
上尋

雪洞

一室穹窿覆地圓宜留小榻坐神仙鑿開繭甕
渾無物踏破冰壺別有天梅谷花香春似海梨

雲夢穩夜如年幾回酒醒燈殘後錯認瑠樓深
處眠

江湖勝覽卷

江湖隨處豁吟眸不滿詩囊卒未休日下風雲
瞻魏闕淮東歌舞認揚州一蓬疎雨鷗邊晚千
里殘霞鷺外秋見說武昌城畔柳尚含青眼待
重遊

竹石山房

山房種滿碧琅玕怪石相依更好看玉氣暖蒸

雲五色翠梢晴弄日三竿白羊未化長眠雨絲
鳳雙棲不畏寒補徧蒼天人不老清風日日報
平安

聯璧卷

仙子瑤臺玉一雙碧桃紅杏遞生香絳綉拂地
春同步寶鏡開奩曉金粧織翠舞衫封蛺蝶泥
金歌扇畫鴛鴦卷中乍識春風面惱我題詩一
斷腸

醉月樓

醉月樓

醉月樓

次集卷卅三

四

清夜何須秉燭遊且邀明月共觥籌口吞丹桂
婆婆影手掬金莖沈瀝秋天上無梯登兔窟人
間有地築糟丘醒來不記更深淺驚見東方白
滿樓

秋閨怨

黃葉滿階秋已闌征人千里隔長安年年怨殺
西風雁不送書來只送寒

倚竹仕女

瑤臺無信托青鸞一寸芳心思萬端莫向東風

倚脩竹翠衫禁得幾多寒

梅花小幅

貪看璧月挂梢頭幾向花前倚醉遊無柰翠禽
啼處苦不容清夢到羅浮

團扇仕女

濃黛消香淡兩蛾花陰試步學凌波專房自恃
傾城色不怕涼風入扇羅

姚綬

字公綬有
殺菴集

題湯公著都門話別

憶昨都門別雨雪正霏霏今我湖上逢春風吹
羅衣故里詎弗樂疎戚聚成圍藉草對山花羽
觴恁如飛一醉萬事忘扁舟蕩斜暉天涯同氣
人濡滯未得歸處世誰足意相顧聊歔歔

爲朱良貞題扇

考亭夫子安亭來愛我溪上紅蓮開手搖羽扇
坐忘暑戲折碧筒閒作杯碧筒杯寬任鯨吸却
嫌玉童催飲急李云處世若大夢柱曰舉觴須
繫十白日欲下清風徐我懷與世同卷舒如何

苦索題此扇大呼墨卿當醉餘爲君遙想白鹿
洞那得武夷清景共還期月夕究叅同似此前
脩足珍重

折枝芙蓉

芙蓉花隔江水美人盈盈幾千里何年濯錦墮
新紅水面西風吹不起我欲牽之在木末方舟
翻愁江水濶何如只去采芳蘭落日望見湘南
山九疑重華招不還萬竹灑淚空潏潏芙蓉花
似人面柳眉不在秋時見墨池爲爾閒寫生鴛

沙
鴛鴦鎖合長生殿重咨嗟芙蓉花柳筆浩歌行踏

題畫為楊司訓作

煙光漾風青入樓立馬回望湖山頭遊絲飄颻
幾千丈不繫白日增人愁春愁大半行樂少渡
口桃花鏡中老勸君盡醉如杜陵莫待春歸怨
啼鳥

桐村小隱

河流南入市逕路北通村新結草堂好舊栽桐

樹繁兒童知稼穡鷓鴣鷺識琴樽有客問奇字乘
舟直到門

遊虎丘

舟行忽到寺門前侵曉梳頭廢晏眠老去已閒
題柱手平生多結看山緣苔茵坐藉生公石茗
枕湯分陸羽泉如此深春如此樂還留餘興待
明年

和靖觀梅

人人盡識林和靖不識平生隱者心老去喜無

封禪藁興來愁費愛山吟梅花香影依然在蔓
草祠堂不可尋今日匆匆書弗盡六橋斜日滿
疎林

菩提寺與雨菴夜話

菩提絕似古招提兩屐行來自不迷舊伴閒雲
歸竺國新添流水入曹溪何人謾放雙鳧去老
我還同一鶴栖刻燭相看過夜半廿年心事重

留題

奉寄荆門判俞君汝欽

解携三度見秋殘開過黃花獨倚闌寄贈雖無
青玉案相期惟有紫宸班書從回雁來千里望
繞荆門隔萬山宣室求賢正如渴佇看明詔爲
催還

慈烏

昔烏巢我樹母在慈烏來無母今何恃惟增返
哺哀

折花仕女

愛濯薔薇露凌晨試折來低鬟猶未插含笑傷

粧臺

題竹寄內弟公操

憶共江南水竹居清風三逕黑甜餘而今對畫
思兄弟縱有雙魚莫寄書

常山道中

鳥未投林日未曛松頭野鶴自成羣肩輿歸去
身強健處處青山有白雲

爲僧題畫

向渠何事懶參禪答我新來結懶緣窗外日高

啼鳥亂擁衾猶伴白雲眠

枯木竹石圖

秋風吹空古樹葉白雨壓低新竹枝淨掃石頭
看霽色滿襟涼影鬢絲絲

周鼎

字伯器有
疑泐齋集

代方文美送榮陽陰璽下第歸

與爾業同經同期虎榜榮相看雖失意爲別謾
多情伐木歌黃鳥看花倒玉觥驅車向宛洛吾
棹亦南征

春日見楊花寄章文重

見說浮萍草前身是此花但因隨驛騎轉覺戀
鷗沙宛冉青春暮微茫落照斜憐予根蒂薄相
值其天涯

赤壁圖

月出大江流鶴鳴天宇秋霸圖餘赤壁逐客自
黃州頰仰違金馬登臨命玉舟曹劉顧安在身
世亦何求

淡菴

尋君秋色裏煙雨舊柴扉婦具盤蔬出童携市
酒歸彈琴忘巧拙得句學陶韋笑指溪頭水交
情似爾稀

怡榮

何以悅親顏兒從闕下還玉壺春酒綠金織舞
衣斑愷悌哦松外從容問膳間令人自興孝喜
色滿家山

南浦煙篷

推篷南浦上煙雨淡離愁蕭瑟菰蒲晚微茫澤

國秋魚鹽通縣市簑笠語隣舟無限林泉意凭
軒下白鷗

水榭荷風

十頃澄波上何人爲築臺藕花開自落鷗鳥去
還來涼吹飄飄入疎窗面面開煩襟淨如洗更
進碧筒杯

送黃給事暉奉使滿刺國封王

遠國來王日深恩册拜時璽書中禁出天語使
臣知路指諸蕃近山行四牡遲故人青鎖夢

限五雲思

其二

使節隨重譯皇仁被百蠻海天同日月風土異
雲山驛騎孤城外樓船疊浪間歸將慕華事敷
奏悅龍顏

送僧歸崑山

乞食遍京畿春江一棹歸只留吟後稿不受施
來衣物外機應息塵中跡漸稀玉峰知到日花
雨積巖扉

贈別

醜酒醉江波中流發浩歌孤舟天際遠芳草雨
中多解劍酬知己題詩贈舞娥人生百年爾為
樂莫嗟此

高郵阻風騎行至界首驛

策馬湖堤上來帆拂去鞍斷楂依浦淑衰柳映
風湍軒冕追隨易庭闈致養難年年好秋色多
在異鄉看

答王公佩見寄

池上綠陰肥天涯客賦歸心隨流水遠跡與故
人違千里復萬里斑衣當錦衣終焉林下夢不
逐五雲飛

留別張廷端

野亭芳樹下崖石大溪南客去閒秋色雲來作
暮嵐誰家留信宿何處倚清酣拾得琅玕竹時
時寄一函

夜坐

不寐坐來久無家席屢移窗風書葉亂簷雨漏

聲疑客髮驚秋早鄉心欲且遲扁舟滄海上誰
和竹枝詞

奉懷吳天使

紫泥封詔下彤闈四牡駢駢出帝畿到處江山
開霽色隨車花柳映春暉鶯啼水驛人相憶荔
熟炎鄉客正歸珍重綈袍情戀戀此生慚與寸
心違

寫懷

終日攤書懶下樓春來懷抱冷千秋未能粟里

歸元亮爭說新豐寓馬周兩履青山應自遠半
簾殘月為誰留東風莫遣楊花落飄蕩年年可
暫休

武林歸興

青山日日開圖書住久山中亦厭看回首鄉園
歸去好惱情風雨別離難悠悠杯酒陶潛醉戀
戀綈袍范叔寒如此春光又啼鳩興來何必盡
君歡

憩秦溪道院醉書壁間

歷代詩選 明倫彙編

徐福樓船去不回海門東下浪如雷青鸞自傷
瑤臺舞紅藥何須羯鼓催劫火淒涼化焦土重
泉寂莫葬寒灰神仙未隔人間世爛熳花前酒
一杯

聞教諭見訪

故人風誼重丘山車騎遙臨巷陌間酌水也能
留客醉看山何必待官閒傳呼列炬春生屋指
點巖城夜啓關記得鴛鴦湖上月為君三日未
言還

賀美之見訪

賀家湖上看稽山影落芙蓉清鏡間天寶諸公
同禍亂四明狂客自高閒翠華南幸幾亡國紫
氣西來欲滿關今我逢君重弔古酒船明月且
忘還

安亭朱良貞母節義

節于夫盡義于姑節義方能保二雛人隔古今
名獨在月分圓缺影同孤未忘一日心先死相
見重泉淚始無環燕紛紛爭入畫等閒曾有柏

卷之三 詩選

月 月 白 景

次集卷世三

古

心

舟圖

陶耕學紅白荷花扇面

欲語還停隔扇羅
主家池館晚涼多
紅顏自得南薰意
皓齒偏能子夜歌
忽憶綵雲湖上見
恍疑瓊佩月中過
淡粧濃抹多相似
回首耶溪渺淥波

登靈巖山訪張伯雨墓

飛神曾謁紫宸朝
下上瑤天幾沈寥
火宅已空誰墮甕
玉鈎初解自成橋
干峰月色還相照
萬

古詩名耿不消欲共山頭黃鶴語
蹙輪何日可

予招

陳希夷

嶽蓮清入夢倦眼爲誰開
五季紛紛盡真成一覺來

武侯出師表

王業偏安日文章爾獨醇
諄諄似伊訓初志亦耕莘

書

池水欲成墨古碑臨罷時閒從崖石上風雨挾蛟螭

畫

畫裏還看畫都成物外春雲山落吾手非贗亦非真

野興

鷗白野雲輕高雲缺樹明無人到湖上聽我唱歌聲

睡起

只為詩魔在昏昏眼倦開誰將春草色青入夢中來

晚坐

胡牀高柳下團扇入懷新笑指纖纖月蛾眉學未真

寄陳秋鴻

閒事莫輕涉困來思喫茶誰將雙蛟蝶管領野棠花

斑竹

送代詩選

月明自照

次集卷世三

七

歷代詩選 明周伯器
聞道湘妃淚如何染得成多應春夜雨消盡又
還生

楊妃醉歸圖
金鞍欲上更遲遲滿鏡春風擁侍兒一種餘酣
消未得漁陽醒眼却多時

楊妃醉仆
妖環不醉王郎醉銀燭高燒看海棠滿地閒雲
扶不起楚臺無夢夢漁陽

王母蟠桃

周王八駿不能留青鳥飛來漢殿秋自是桃花
非一度等閒三被朔兒偷

楊花

淡淡東風又落暉留春不住送春歸無人更上
長亭飲惟有楊花在客衣

宮詞

露下閒階華月明相呼女伴作雙行歸來小院
閒相語幾度庭闌夢不成
不效殷勤拜露香滿衣涼月動輝光初時被選

同年者已有升居在繡房
 準擬明當直曉班巧隨新樣學宮鬟笑渠鴟吻
 東邊月也作西樓子夜彎
 莫打流鶯宮樹陰鳥中惟此鳳韶音時時啼向
 房櫳近免得春愁上妾心

蔡琰歸漢圖

縱多文思出天機贏得胡笳淚滿衣
 萬里歸來身再辱不如青塚不言歸

王子陵

竹帛勲名已有人可無能友不能臣
 一絲千古

桐江月多少清風激後塵

狄仁傑

殘局爭看一子留唐臣終不為周謀
 夢回鸚鵡誰能識還倚雕籠說舊愁

唐太宗六驥

百戰功成四海安君王方念守成難
 驂駟盡入飛龍廡時復牽來仗裏看

外史

王式念

此鳳雛

...

...

...

...

石倉十二代詩選

明次集卷三十四

菊庄集

大明

樵李陳 昌著

後學曹學佺閱

陳烈女辭

懿彼女蘿草託根空谷中青青好顏色相將附
長松長松何矯矯女蘿仍嫋嫋同根諒同心百
年願終保豈知賦命薄嚴霜殞飛藿長松竟枯
死女蘿安所託上有孤鳳巢中夜聲啁啾豈無
他山鳳不如我同儔同儔日已遠未得成繾綣

天寒音信稀寤寐空展轉生既無所依死亦無
所歸不如自雉經同向泉臺居泉臺倘相見庶
足償素願昔如單栖鴉今作雙飛燕我觀烈女
詩日落悲風來欲上望夫石哀哉首重回

泰山

五嶽岱居長自古稱泰山巍然表東極可望不
可扳七十二代君封建猶孱顏中有玉冊書竊
弄造化關讀之可毛羽昇仙諒非難

擬古

鶉火既云退零露日以濃草蟲促經緯鳴我堂
之東昨日髮尚玄今朝已如蓬人生非金石安
得長壽終不如飲美酒委身大化中

進脩齋爲彭進士題

玄化無停機四序迭交易青春幾何時髮髮颯
已白有生穹壤間滿者孰能百胡爲勞其生汨
汨受形役務學須及時孳孳在晨夕尺璧諒非
寶寸陰當是惜彼蚩蚩氓白首竟何益擿墮
類冥行偃偃弄所適周公古聖人尚能戒無逸

進脩苟力勤終造聖賢域

蘭玉軒爲劉世亨題

種花須種蘭蘭香頗清遠
采采被葳蕤安能浼
幽艷種樹須種玉玉性頗溫潤
抵鵲彛足多連
城價難論玉可藉旒纒
蘭可充佩幃所以古君子
此德良自宜

車遙遙

車遙遙去何之丈夫年少輕別離
袖中三尺青
蛇躍立功成名須及時
出門千里萬里道蕭颯

大亭短亭草不恨緇塵染素衣
但謀官執金吾

早長安二月千花開
龍樓鳳閣黃金臺
康莊之衢容九軌
諸侯冠蓋紛如雷
知君心戀君恩富
賤妾光陰等閑誤
願君太行雲棧無崎嶇
遙遙車行復回顧

孤鳳行

丹山兩鳴鳳五彩好羽儀
朝飲玉池水暮栖瓊
樹枝一飛九千仞
鳴聲何啾啾自從故雌斃
其雄錯莫無光輝
天寒歲晚竹花死
鳳兮鳳兮將

安歸

寓古

君不見唐家開元全盛時長安坊中賣餅師有
妻淑德頗溫潤一朝選作寧王妃身居椒房豈
不樂紫雲步障流蘇幕歲時忽遇舊良人紅淚
飛花泫然落又不見荀奉倩經年不見同心而
青鸞鏡破難再圓中夜相思寄哀怨人生伉儷
如鴛鴦豈知中道成參商伯勞東飛燕西去黃
姑織女空相望空相望向何處長歌一曲白頭

吟花落棠梨淚如雨

擬古

綠窗有貧女年紀方及笄不復理鉛粉學上流
黃機流黃機頭中夜織萬縷千絲望成匹豈知
絲斷頭緒多背立孤燈向人泣一朝媒妁相通
辭嫁爲西家蕩子妻蕩子此離不復返三星在
戶愆佳期君不見紅顏自古多命薄愁見花開
又花落

題江湖勝覽冊

馬卿子清而癯狂非狂迂非迂不愛養浮丘伯
之黃鶴不愛釣任公子之巨魚年來只愛江湖
居江湖風月足清興筆牀茶竈尋常俱船頭紅
拂唱巴世船尾黃帽歌吳飲歌吳飲唱巴曲妙
舞清商間絲竹白日歡遊殊未足復向黃昏秉
銀燭人生處世如白駒百年過隙何須更功名
富貴草頭露爭如周流四表窮八區朝發金陵
城暮薄瓜州埠三山天末聳青螺二水中流分
白鷺金陵自古帝王州虎踞龍蟠王氣浮六朝

割據不足數大明建國如金甌片帆明月發京
口鐵甕城南試沽酒扣舷迤邐過南徐遙望姑
蘇隔楊柳楊柳荷花滿目生西施去後有誰爭
憑高弔古日將夕寒山寺裏來鐘聲鐘聲悠悠
斷還續且向垂虹橋下宿三高出處但聞名欲
采江蘼奠醑醑

題梅泉

君不見東家郎千金買得姚家黃又不見西家
子萬金買得魏家紫姚黃魏紫雖繁華金多方

歷代詩選 明陽詩 五
纔買得花一朝金盡花亦盡東家胡蝶飛西家
爭似東陽隱君好不種閒花與閒草屋頭梅樹
八九株舍下泉流剛一沼疏泉種梅梅已成梅
皎潔兮泉清冷萬頃寒光浸明月一枝疎影涵
清水翠禽亭亭花外宿白鳥洋洋波面浴天然
畫出西子湖彷彿移來博羅谷隱君真能耐歲
寒迥無半點紅塵干或時對花鼓焦尾或時汲
月煎龍團左招姑射仙右揖凌波女翩然跨青
鸞調笑啓玉齒我方受此塵網纏因風渴想梅

花泉安得飲泉花底眠我歌君和逍遙篇拋却
宇宙三千年

存素堂爲釣灘鄭璠賦

登山莫登兮太行過峽莫過兮瞿塘太行羊腸
路九曲前車未傾後車覆瞿塘風浪高于山往
往能沈舟萬斛何如存素心自足終歲無榮亦
無辱青蔬種熟五畝園綠蘿結就三間屋栽夏
籜兮爲冠製秋荷兮爲服風姿皎若冰壺清寧
肯紛紛溷流俗有時醉擊土鼓兮歌幽風有時

醒捧窪樽兮飲谿淥但得安貧隨所欲一任朱
門厭梁肉若不聞吳子胥功成敗越棲會稽云
何竟賜屬鏤劍遺屍濺血乘鷗夷又不聞秦李
斯掀天相業何巍巍一朝雲陽受誅戮却思上
蔡東門時古來英雄人得喪盡如此有功何足
云有勢何足恃但將存素當良田母使嘉苗混
豐芭

惜去青船楊同府命作

東南島夷居海中雞鳴夜半搏桑紅何年徐福

來仙藥至今宗派傳無窮平居自負乘潮慣累
歲頻年作邊患來如鬼蜮少人知去若烏鳶忽
驚散堂堂天朝臨九州虎頭將軍材且優號令
一出重山嶽突上萬斛龍驤舟風檣陣馬不可
遏烈火飈馳星箭發窮追極討際三韓要使根
株盡巢穴歸去中流揚凱歌揭天畫鼓喧靈鼉
槌牛醢酒徧行饗三軍鼓舞歡聲多乃知聖明
今用武不在深溝與高壘乘機應變捷有神萬
斛龍艘最輕利况逢四海爲一家東踰若木西

歷代詩選 明陳叔玉
流沙寸天尺地皆入貢梯航玉帛來京華如何
黑子弹丸地尚學怒螳奮雙臂跳跟賈勇當車
前安得不成虜粉碎龍驤今龍驤爾能禦海安
邊疆一朝遽作斷溝棄使我收淚含悲傷君不
見晉朝王師破吳日萬櫓千艘一時集橫江鐵
鎖竟銷沈獨數龍驤功第一

瞻綠軒

朝歌湘靈曲暮吟衛武詩綠竹久不見俛仰令人思
蒸竹猗猗今在目千竿萬竿森似束月來

瑣碎影飾金風過玲瓏聲憂玉初疑家居渭水
濱又疑身任淇園村鷓鴣朝朝叫陰雨鳳皇夜
夜宿寒雲紅塵半點不能入蒼雪尋常隨衣濕
六逸風流豈足誇七賢瀟灑應難及客來幾度
問平安旋挑紫筍煎龍團陽春白雪有佳句往
往畱在青琅玕如此軒居良不俗此君相對溫
如玉何須更種海棠花西園夜夜燒銀燭

醉閒歌

君不見夏履癸寵妹喜酒池運龍船糟堤長十

里又不見吳夫差寵西子姑蘇臺上宴良宵燭
光燒雲半空紫彼惟尚色不尚金窮奢極侈耽
荒淫一朝運去金亦去國亡家破靡蕪深何如
醉閒翁花前挂壺酒嗚嗚唱銅鞮款款拍銅斗
醉來一任玉山頽涼颺吹墮白接羅烏飛兔走
俱不管龍爭虎鬪何曾知人知醉閒名不識醉
閒意醉人閒處可全生醒人忙處遭顛躓王醉
鄉劉中山吾將與爾同一閒剖污樽碎土鼓飲
中八仙齊醉舞回頭却笑楚三閭留得虛名亦

何補

奉謝楊同府惠箋

九龍煖吐沈香水洗出金盆雪花紙半點纖塵
不敢汗分明只隔珠宮裏馮夷南來騎大鵬倒
握雷斧驅雷丁夜深偷入娑竭窟琤琤斫碎玻
瓈冰初疑鮫綃脫機杼又疑白繭離霜杵一幅
開來一幅新壓倒尋常千萬楮東倭玉版不足
稱西蜀薛濤空有名連城重價人莫識千金抵
換猶嫌輕伊昔黃門蔡倫造魚網麻頭盡稱好

爾來八萬四千秋流落人間爲至寶至寶原來
不易逢君侯得自波斯中一朝分賜到茅屋陰
嗟便覺春融融從此光芒動星斗挽捨亂落旄
頭吼欲脩五鳳文明樓不是公輸運斤手况今
作者多如雲騰蛟起鳳何紛紛長楊獻賦總班
馬去好策凌煙勳既無五色錦繡段又無一
雙青玉案負侯之德良亦深一度開絨一汗顏
願侯早晚登三台大展濟世經綸才熈熈玉燭
詠室一瓢甘雨從天來曾令四海消炎埃千

年秦運重重開

送魏汝賢之遼陽

朝鮮東去是高麗若說遼陽更在西馬谷春冰
和雪凍龍城秋草拂雲齊千家明月無砧杵萬
壘寒風有鼓鼙却歎浮生江海客年來幾處聽
晨雞

灤河日日北風多歲晚猶乘一棹過土室人家
低似埳壁門軍壘小如窩避人飢鼠偷紅粟呼
伴鳴鴻下綠莎今夜龍沙城外宿相思其柰故



園何

八月龍岡草木凋名王射獵出天驕絨繚背日
翻金鵲羽箭穿雲落皂鵬得雋未須紅匣匣割
鮮齊進紫蒲萄闕氏醉倒穹廬底回首長安月
正高

送吳素行之廣西

廣州南望海冥冥百丈牽江幾日程鯨浪打船
風不息蜃灰塗屋雨初晴蠻巫祭鬼憑雞卜島
寇編氓事象耕從此海隅成樂土尉陀焉敢更

言兵

竹泉

竹裏清泉竹外溪隱居渾似浣花西年深不問
蒼龍蟄夜靜常留彩鳳栖十畝濃陰溥翡翠一
泓寒碧浸玻璃有時煮茗詩成處就向琅玕節
下題

悼沈公禮太守

多病休文減帶圍一官迢遞嶺南歸雙鸞賜誥
恩猶在五馬行春事已非黃菊半籬開暮雨紫

荆雙樹自春暉從今懶過西州路只恨平生故
舊稀

江湖勝覽

筆床茶竈寄生涯來往煙波到處家帆影拂雲
過九澤猿聲啼月下三巴黃陵廟古多春草白
帝城空有暮鴉寂莫不須傷往事且沽樽酒澗
梨花

送陳僉憲之京

平通籍向金閨帝命觀風下浙西三尺龍阿

持繡斧五花驄馬鑿霜蹄范滂威望人爭仰桓
典聲華孰與齊此日輶車巡已徧仍陪鴛鷺上
丹梯

雲石

謝却紅塵懶出山片雲孤石伴身閒散堆花逕
何須砌深護柴扉不用關曾見白羊朝化去慣
看蒼狗暮飛還此中便是華陽景誰道華陽隔
世間

和漱浦李千戶韻

歷代詩選

明陳頴昌

次集卷卅四

七

九

虬髯年少羽林郎曾侍先皇伐鬼方玉帳風高
圍壁壘牙旗雲冷卓沙塲非關衛霍功勳大自
是孫吳計策長料得將門原有種麟臺圖像曉
蒼蒼

徐濟民見訪

鸚鵡湖頭泊釣槎杏林仙子到仙家陳蕃下榻
緣徐子管仲尋盟爲叔牙魚向荻花江上買酒
從楊柳渡頭賒相逢莫謂貧相棄共剪青燈話
歲華

暮春寫懷

風風雨雨禁煙時過盡春光總不知桃李野垣
花落早蘼蕪江國燕來遲夜深簷溜寒無寐日
晏厨煙濕未炊多少同年皆顯達獨慚衰朽困
天涯

宮人望月圖

龍腦香消寶釧溫梨花明月淡黃昏自緣妾命
生來薄非是羊車不到門

陸譽望像

陸譽望像

陸譽望像

次集卷卅四

七

月不言
事牀茶竈載孤篷。家住吳江震澤東。鬪鴨聲沈
煙水冷。何人知是陸龜蒙。

紅梅

金盤和露搗麝脂。寫出江南第一枝。好似太真
初睡起。春寒賜浴華清池。

蘭竹石圖

鷓鴣聲裏雨班班。一去鑿輿杳不還。日暮東風
芳草綠。無人更上望夫山。

葦葉謾紛紛。鷓鴣聲中欲斷魂。回首楚湘

春水濶。不知何處望王孫。

棠梨白頭公

唐家羯鼓寢園空。猶有棠梨一樹紅。幽鳥似關
興廢事。白頭無語立東風。

雪山圖

萬壑千巖凍不開。瓊樓玉宇似天台。黃精香冷
無尋處。悞却劉郎采藥來。

秋蝶

秋來風露漸淒涼。色褪宮黃粉褪香。不比未央

歷代詩選 明陳壽 古
年少日一雙飛上玉釵梁

題道士扇

九轉神丹已脫胎麻姑約我到蓬萊三花樹底
盤桓久只待秋風白鶴來

袞塵馬圖

霧鬣風鬃汗血過也曾千里渡流沙絲韁不受
黃門控閒向東風滾落花

蒲萄

宴罷瑤池夜未央歸來帶得紫雲漿劉郎命薄

無仙分只識金盤露水涼

桃花白頭公

小桃花謝又花開閒却當初玉鏡臺爲問白頭
花底鳥劉郎去後幾時來

檜樹提壺

不到臨邛市上沽春禽終日叫提壺綠陰遮滿
城南路忘却文君舊酒壚

太公釣魚圖

炮烙煙生醢鄂侯人心天命已歸周如何未入

歷代詩選 明陳詩 卷五
非熊兆尚向磻溪下直鉤

竹石棠梨圖

一片荒涼艮嶽峯竹枝歌罷寢園空不知龍駕
歸何處聞却棠梨一樹紅

屈原漁父圖

一從恩譴出鑿坡辭却襄王到汨羅漁父不知
憂國恨相逢但和濯纓歌

翫月圖

是天空濶暮雲收銀漢無聲淡欲流十二欄干

明月夜人間看得幾中秋

買臣負薪

出山塵土入山雲斫盡青山幾擔春便是會稽
乘五馬也應羞見後車人

車胤囊螢

莫歎窮經未遇時緇囊螢火夜光微他年自有
金蓮炬天語從容勅賜歸

海棠白頭公

天寶繁華事已休鑿輿西幸劔門遊野棠零落

春無主啼得山禽也白頭

荔枝山鳥

茜紅衫子玉肌香南國風流十八娘若得青禽
傳信早不教鞦韆動漁陽

鵲

綠幕黃簾紫府深甘棠無樹不成陰應知銜得
金魚袋來向東風送好音

粉紅牡丹

東風暗折錦雲堆不待花奴羯鼓催興慶池頭

春宴罷天香留得九霞杯

仕女戲嬰圖

粧罷紅綿玉鏡臺花前含笑戲嬰孩分明互采
丹山鳳飛入春風掌上來

仙山城樓

芙蓉城闕倚朝霞十二瑤臺帝子家絳節霓旌
何處去碧桃開落幾番花

鈎勒竹

秋風白戰楚江濤雪捲空山見海黿一夜靈妃

眠不穩月明飛佩過湘臯

陳壽

字呂年號
玉崖子

早春曲

柳芽吐玉蘭芽小羅幕凝寒覺春早腸斷王孫
尚未歸東風已綠天涯草筓篲塵滿瓊簫卧熏
爐閑爇沈香火惱儂題就抱愁眠淚珠暗滴臙
脂顆

春曉曲

銀箭銅壺漏聲歇睨睨金鶯送殘月柳裊煙絲

歷亂垂飛花撲帳春雲熱夢回玉頰啼紅雨戚
戚中情向誰語白馬郎君向何處一隻青鸞鏡
中舞

公無渡河

公無渡河公竟渡河渡河公死公乎柰何席其
床兮柔其疇公乎胡為而溺流大呼呼公公不
畱心摧腸斷彈箜篌嘈嘈招不起賢兄小姑哭
無已妾身願作精衛禽銜石西山塞河水

寓懷

霄漢苦未達支離媿此身
烏啼雲嶂曉花落草堂春
為問逢時者誰憐失意人
年年江海上空自怨青蘋

西湖懷古

東風吹馬動鳴珂
閒向蘇堤試一過
賈相宅前芳草沒
岳王墳上夕陽多
山城寂寂空啼鳥
湖水平年自綠波
嗟我况逢流落久
感懷其柰客愁何

謁伍員夷船

一自將軍賜劍歸
夫差不覺墮讎機
天荒地老英魂泣
國破臺傾霸業違
吳郡舊愁明月在
越江遺恨怒濤飛
靈祠寂寂空山裏
老樹蒼藤掩夕暉

送賈明謫三江

賈生年少最能詩
謫向南方眾所悲
萬里天涯嗟獨往
百年心事有誰知
江山搖落猿啼處
海國蒼茫日暮時
不久定膺宣室召
臨岐何必淚雙垂

秋日武陵客舍寫懷

功業難成自可嗟
那堪旅食向天涯
滄江斷雁驚秋思
青鏡流年感物華
落日丹楓愁裏樹
故園黃菊夢中花
悠悠歸計何時定
獨對西湖苦憶家

風波世路信多艱
千里羈危未得還
慈母倚門垂白髮
故園回首隔青山
交游半達雲霄上
第妹相親夢寐間
寂莫空齋誰顧問
只將詩句慰愁顏

放逐江潭歲欲深
形容顛顛獨行吟
看雲每動思親念
撫劒空懷報國心
島嶼微茫鄉土異
關河牢落雁書沈
晚來何處堪惆悵
斜日猿聲楓樹林

題畫

遠道西風落葉寒
蕭蕭孤塞上長安
關山不似人心險
游子休歌行路難
洞庭微雨曉生波
一棹雲山楚客過
綠徧蘼蕪歸未得
東風閒唱竹枝歌

楊花如雪正飛春
新水茫茫浸綠蘋
桃葉桃根何處是
東風愁殺渡江人

石倉十二代詩選

石倉十二代詩選

明次集卷三十五

沂川集

大明

琅琊楊光溥著
後學曹學佺閱

飲馬長城窟

辭家日已遠
胡雁飛南征
炯炯鐵兜牟
散被纒胡纓
仰視天山雪
俯涉交河水
匈奴未殲夷
壯士無歸情
結髮習韜略
胸中有奇兵
寶劍雙轆轤
秋蓮出匣明
報國思殞軀
蹀血單于庭
豈以虜陣強
令我心膽驚
刻期斬賢王
末德奮先爭

歷代詩選

明陽昌年

次集卷卅五

一

王

歷代詩選 明楊汝川

功成不受賞千載麒麟名

結客少年場

魏其昔好客門庭集如雲一朝辭相位高堂忽
揚塵食祿尚弗報况茲杯酒恩始知結客難何
必皆縉紳屠沽有奇士緩急真可親季布託朱
家荆軻西入秦感恩在一言誓死不惜身錦帶
佩雙鉤結客洛東門探丸羅劇孟義氣凌秋旻
嗚彼武陽子死灰何足云

烏夜啼

瑣窗未啓天欲明棲烏枝上啼有聲閨中少婦
夢初覺聞罷啼聲雙淚落爾啼應有赦不啻人
離別閒眼望郎郎不來樓外斜橫半邊月

大堤曲

春蒲青春草綠大堤女兒顏如玉斷腸不管往
來人隔江但唱留春曲高髻挽烏鴉滿頭都帶
花春陽踏徧倦還家未審何年嫁夫婿倚窗無
語彈琵琶

隴頭水

歷代詩選

明楊汝川

次集卷卅五

二

三

隴坂何崎嶇十里九迴折下有隴頭水日夜聲
嗚咽行人到此聞水聲回首吞聲多恰戚惟有
壯士心剛似昆吾鐵近水磨寶刀擬拭匈奴血
肯為兒女態行行慘離別所志圖麒麟一身甘
隕國此水本無情何為使人惻

前有尊酒行

綺窗日暖櫻桃紅玉缸酒乳蒲萄濃燕姬醉舞
驕春風當筵已覺飛花空流光過眼如轉蓬人
間豈有浮丘公丁寧勸君酌酒到君莫停且看

萬事浮雲輕朱樓回首日西下何妨對月聽銀

箏

又

青軒幾樹桃花開黃鸝啼處春風來眼前况有
一樽酒何妨滿泛黃金杯對酒欲高歌照影心
茫然霜毛日月凋朱顏嗚呼流光欺人今胡為
不滿塵世之百年安得駕飛龍乘紫煙直與安
期羨門萬古長周旋

烏棲曲

庭前有雙樹夜半來烏棲感此已愁人更聞烏
夜啼記得郎行初種柳樹今已到勝巢牖綺窗
半掩對樓烏夜夜望郎腸欲枯金壺漏永將何
如

玉壺吟

玉壺吟西風獵獵愁人心人心本不愁奈此霜
毛侵憶昔獻賦金鑿殿意氣當年比謫仙飛龍
賜出天閑馬紫陌看花着玉鞭犀盤寶瓮黃金
注幾度承恩白玉筵聖恩浩蕩深如海涓滴未

酬顏已改老驥猶懷千里心欲把青春問天買

雙燕離

雙燕來從海東國萬里相隨肯相失玉堂金屋
春晝長兩兩雕梁相對立一朝鷺鳥扶其雄孀
雌來往悲巢空終日呢喃不停語似將哀苦愁
春風襄陽女兒姚玉京十五畫得雙眉成可憐
中道守空屋見此孀燕偏傷情舉頭問爾燕爾
與儂誰苦爾死徒一身儂死拋夫母君不見臨
邛曾有當壚人未知聞此傷情否

村居漫興三首

草堂時睡醒一卷太玄經道任衣冠舊文祈筆
硯靈兩階添嫩碧山牖納遙青衰老容吾飲還
應問酒星
老去常昏飲支離仗酒全存亡驚故友寒暑感
流年書映松窗月茶烹土銚煙一琴高挂壁陶
令任無絃

莫怪林泉僻衡門尚考槃愛紉蘭葉佩學製笋
皮冠黠鼠凌人走殘蝸綴壁乾柳塘春水淺辜

負一漁竿

隱居

龐公幽遯處無客款松扉酒德新成頌禪心久
息機檻花宣夾蝶砌蘚走伊威回首煙波地空
嗟萬事非

自述

保德魚鹽部分符已二年河分西陝界地控北
胡天行部無完屋傳家有敝瓊吾歸尋舊隱須
信橘中仙

雨後

詩就方辭枕回頭記不真
草堂三日雨花塢半
年春綠酒多閒日白頭
非故人眼看湖水漲正
好釣青蘋

村居

柴門臨水閉遠樹接平疇
萊町穿蝴蝶桑村嘯
粟留世機今已息身計更何求
只有看山癖晴
明始上樓

村夜

山村煙樹外時聽子規啼
碧蘚花間地青蔬雨
後畦年光飛野馬身事走醯雞
却笑山妻苦繰
車響院西

久旱

早久千家市朝朝米價增
焚厓憂縣宰乞米避
隣僧赤地連苗坼黃塵障日騰
何時松下榻一
雨洗炎蒸

山居漫興

散髮長松下從教碧蘚侵
青春呼酒伴白日卧

書林間卜辭詹尹澆畦接漢陰每逢天氣好行
坐白雲岑

久辭城府去默坐歎浮生服食非吾事炎涼任
世情山光浮罨沼松影落書棚一曲滄浪水長
年可濯纓

破研經年洗詩成不計篇松窗迷鶴夢石壁雜
蝸涎市遠無鮮食堂低但採椽野芳經雨後屐
齒幾回穿

舍園青嶂蕭然自一村竹煙茶竈煖松火酒
爐溫徑引通池水巖藏嘯月猿故人無孺子誰
復過陳蕃

自歎

自到東山住柴門盡日扃三間懸罄室一卷相
牛經帳覆蘿陰翠茵鋪草色青只因多酒債羸
得屈原醒

丁卯大旱

寂寂江村外荒郊但蒺藜暑驕雞戀樹旱久燕
愁泥沙壓汀花斫塵埋圃菜畦好山依舊在無

歷代詩選

明楊沂川

興入詩題

上巳二首

百年逢上巳花柳徧春城
燕麥迎風舞桑鳩喚
雨鳴逃禪常晏起
脩禊偶閒行却憶蘭亭會
風流萬古情
野老行遊處風光屬暮春
荇牽青帶軟蒲發紫
茸新被禊臨沂上衣冠繼洛濱
舞雩歸詠處今日已成塵

夏日

涼風動紈扇不用憩青林
隴麥行秋令庭槐轉
午陰簾鋪青薤軟茶泛翠濤
清石室談詩處林僧久不尋

元日試筆

五更喧爆竹窮鬼想潛蹤
傳菜忙中婦延賓及
下春雲開驅屏翳冰泮露
鱗鱗怪底兒童笑銀幡映老容

六十

短髮垂肩白蹉跎六十年
乾坤歸老眼歲月付

歷代詩選

明楊沂川

次集卷卅五

八

九

歷代詩選 明穆宗
癸禪嗜酒劉玄石耽詩孟浩然採薇應亦足無
事祝蒼天

表都司邀飲

將軍能好客藩臬會高堂
鱠切銀絲細羹傳玉粉
香箏聲哀象板觴政急
桑郎酪酏還畱坐梅
花月轉廊

閒居二首

長日壺觴止半醺
泉聲時在桺頭聞
雲生北渚迷松色
雨歇西巖過鹿羣
山寺有僧求醉帖
草

堂無客賞奇文
煙霞萬頃柴門外
芳草微茫路不分

村北村南麥正秋
石榴開徧屋西頭
槐陰午院初移榻
山色晴簾不下樓
書卷愛儲高士傳
酒錢堪博醉鄉侯
草衣木食平生足
不愧當年馬少游

客至

門外君來識履聲
兒童見慣亦歡迎
百年友義南州榻
一代詩豪北府兵
書院雨添芳草徧
硯

池風引落花輕酒邊不話人間事但鼓瑤琴一
再行

漫興

池塘風動水泆泆靜倚南樓坐夕曛春到綠回
江上柳雨晴紅見海東雲班生壯節曾投筆蘇
晉長齋不茹暈病起渾忘腰帶減傷人錯訝沈
休文

春日感懷

簿領沈迷久不堪杏花春雨殢江南四旬已老

還添一九載初遷又歷三歲月匆匆春夢短乾
坤落落壯心慙不須更假桑郎酌暖日薰人已
自酣

晉陽放歸偶書

倦鳥思林尚未歸夕陽簾幙篆煙微影搖翠篠
風初定香泛紅蕖水正肥吏牘漸消塵土夢客
程先試薜蘿衣不須更假神巫卜草屋柴扉少
是非


春日村居

鋤罷園蔬又治田陰陰榆柳蔭堂前市沽頓積
頻年債午夢真成小洞仙幾葉漁舟春水渡一
聲樵笛夕陽川回思車馬紅塵路却恨歸來已
暮年

又
萬竹東頭一草亭身閒不着息心銘午風語燕
梨花院春水浮鷗杜若汀世事到頭真過客人
生回首即浮萍日高理罷滄浪髮閒課園丁種
茯苓

又
曉雨初晴滿院清瑤琴一曲遣浮生柳依花塲
傳春信水隔山城遠市聲酒賤每逢田父醉詩
成還就野僧評尚嫌村客人煙炒擬就煙霞學
向平

初歸
組紱勞生兩鬢星歸來笑殺草堂靈秋風蘿蔓
迷樵徑春水桃花失釣汀澣統久慙龜手藥養
生新買種魚經等閒睡醒茅簷日坐看山中草



樹青

城北別業

雲去雲來傍短簷開荒十畝似陶潛春來徒笑
苔錢在秋到先憑雁字占茅屋日高喧燕壘柳
塘波暖落魚銛門前十里春山色怪得經旬不
捲簾

官舍寓懷一首

露下銀床爽氣殷密垂珠箔思紛紛黃花籬外
蟲喧砌紅葉階頭犬吠雲桐韻暗依更漏響龍

涎高伴夜燈焚袖中七寶還收在試問秋蟾缺
幾分

春日山村寫事三首

柳陰深處是吾廬漁舍田家共一墟阮籍賓朋
多嗜酒鄭玄奴僕謾知書長生不待燒丹竈安
步惟消下澤車昨日東郊春雨足科頭猶自帶
經鋤

病眼昏昏罷草玄水涯行盡又山巔午風花柳
韋郎曲春雨桑麻鄴杜田老去楊朱甘避席醉

歷代詩選

明楊洲川

十三

來蘇晉愛逃禪小園半畝都鋤徧種得昌陽欲
引年

桃花亂發桺梢齊人倚欄干費品題十里芳村
桑落酒一渠流水漢陰畦草堂客到惟談易松
寺僧來也過溪一枕紙屏春睡醒竹窗猶報午
時雞

山居

台南舍北響綠車雞犬林中共幾家老去尚勞
開口計午風庭院曬松花

罷釣

半篙春水子陵磯誰說詩愁帶減圍斜日桺陰
人釣罷堤頭坐看水鷗飛

春暮

園林到處競芳菲此日看看景致微胡蝶不知
春似夢斜陽猶傍菜花飛

雨晴

人事悠悠一釣臺人間贏得好懷開東風醉罷
雞豚社坐看茅簷燕子來

歷代詩選

明楊洲川

十三

次集卷卅五

夏日即景

黃梅時節雨初晴半畝槐陰小院清却怪山童
驚夢覺午風吹送搗茶聲

夏日

綠樹陰中不掩關茅簷風靜燕初還滄波渺渺
斜陽外斷送詩愁是遠山

寫事

浮世興衰無問渠身閒贏得白雲居山窗老眼
遠能蕭更向人間覓異書

惜春

一年春事等閑過流水光陰柰老何莫惜花殘
難載酒黃鶯啼處綠陰多

又

一年又是暮春天冉冉流光下水船有酒便須
連日飲幾人垂白在花前

上巳

細柳新蒲徧水潄流觴今喜盍朋簪野人那有
紅塵垢也抱山陰夜禊心

歷代詩選

明辨洲川

正

柴門

溪上柴門掩翠微
無人談是更談非
近來老眼看書倦
燈影軒窗夜坐稀

春歸

酒肆逢春屢典衣
一年無柰又春歸
好花落盡桃千樹
幾日山人不啓扉

暮春

養拙林泉久避人
西門斜日鳥啼春
東君亂撒榆錢下
散與貧家不算緡

春去

東風叫斷杜鵑魂
渺渺平原接遠村
芳草不知春正好
夕陽依舊怨王孫

遊春

芳原何處駐遊輪
到處尋詩景物新
斜日畫橋春正暖
紛紛夾蝶趁人遊

過道院

一曲清溪遶舍香
相迎猿鶴意安詳
道人采藥歸來晚
松下殘棋滿石牀

歷代詩選

明易行

次集卷卅五

七

武鄉分司
民屋蕭條僅百家
流鶯啼處柳陰斜
使臺坐對南山脚
十里春流漾落花

春五思歸
綠夾熱故人

冉冉流光變二毛
天門空仰五雲高
故鄉一望天涯盡
幾日歸心折大刀

春五自歎
則詩書思王

十年一署華州曹
醉飲松醪讀楚騷
眼底有誰憐駿骨
黃金欲鑄九方臯

觀田

布穀聲中雨霽天
綠楊輕鎖一村煙
瓦盆半醉青州釀
白水東頭看種田

閨思

柳色青青壓粉牆
珠簾忽到落花香
美人獨抱琵琶坐
燕語鶯啼枉斷腸

早春

靜掩茅堂隔市器
讀書窗外鳥聲嬌
柳條乍暖全無力
暗倩東風擺舞腰

唐詩選 卷之八

江樓閒坐

東風滿徑落花泥
獨坐江樓到日西
欸乃一聲沙鳥散
流鶯正在水邊啼

金陵夜泊

孤舟此夜泊金陵
月滿秋江玉宇澄
隔岸數聲何處笛
蓼花深處一漁燈

詩懶

陽門巷落花頻老
去能逢幾度春
兩日無詩
懶一聲啼鳥又催人

春去

樓外青帘近酒家
鶯聲巷陌夕陽斜
東風暗地隨春去
幾日無人來賣花

出郭

出郭來尋野店春
暖風芳草駐遊輪
隔牆定是有花處
夾蝶亂飛香撲人

公子

五侯門館鬪回鷄
呼酒章臺日未西
却笑燕姬調醉客
花前爭唱白銅鞮

歷代詩選

明易行川

次集卷卅五

十七

歷代詩選

明次集

卷三十五

石倉十二代詩選

終

出涼來專裡秋森知風苦草想我命謝微涼

出涼來專裡秋森知風苦草想我命謝微涼

出涼

對秋青

對秋青

春去

石倉十二代詩選

友竹集

大明

長樂陳維裕著
後學曹學佺閱

送何敬止之安慶

久別愁契濶一見情轉紆如何未幾月策馬復
馳驅曉出都門道和風吹長裾載酒雙玉壺酌
君聊踟躕好鳥對離席垂楊發清渠把酒未成
醉却憶相交初癸酉歲大比就試來于于當時
誇特達抱負期共攄荆山君獻璞滄海我遺珠

歷代詩選

明次集

卷卅六

詳

彼此或阻隔蹉跎音信疎君教錢塘上巍然道
自居湖蘇齊經學河汾播名譽我今忝登第乘
驄長安衢相逢話疇昔屈指十載餘公邸且爲
樂忽聞降除書宦轍豈常聚仕途隨所如恪共
各自勉離別安足吁安慶俗齊魯諸生器璠璵
到時正三月杏壇化日舒臯比坐容與函丈爭
樞趨師道素所講熟路馳輕車長養九霄翥變
化北溟魚倘因閒暇日尺書多寄予

同寅寄書以詩代答

有使自東來附書三兩封各有平安字捧至柏
臺中開緘是誰傳乃我平生友別來未幾時殷
勤問安否友情旣具陳國事更諄諄誓欲誅奸
宄何曾顧微身讀罷置袖中引領深相憶小人
重名利君子懷耻惜而我二三人許國亦已深
賢勞敢自任靖共持此心歎息猶未已使者告
歸去走筆題數言于以道情素

題九鸞圖

周人詠振鷺潔白與人比魯人詠振鷺舞者持

其羽孰謂彼微禽往往在所取而今畫圖中三
三見栖止皎皎毛羽鮮粲粲頂絲美玩之有深
意可以勗君子

送副使鄧崇政

聖人御皇極治世躋虞唐天下皆鼓舞四夷盡
來王夫何有小醜邇者自荆襄弄兵敢稱亂嘯
聚成猖狂郡邑爲搔動居民廢耕桑事聞上震
怒愚民瀆天常卽日命大將十乘先啓行又命
大司馬同行總其綱師出在巖翼不可無預

汝端作御史汝往繩怠違臣端拜稽首感激懷
忠良戮力仗天威同心靖一方凱旋論功賞陞
秩沐恩光荆南旣已定西邊復擾攘豈曰聖明
世屢見叛封疆蠢爾亡命徒招呼聚山岡不知
聖恩撫漸有牙距張倚險肆剽掠邊人亦憂惶
天子曰無恐一將足以當蒞軍遣元帥機務屬
都堂糾察命臣端汝有聞湖湘汝行務敬戒毋
使妄殺傷命下咸發憤車馬出煌煌荷戈忘辛
苦歷險經雪霜深入抵巢穴驅戮如犬羊渠魁

受拘繫餘衆無潛藏邊塵成晏堵中外皆樂康
捷聞天子喜有功當盡償次第見陞賞大小無
遺忘汝端兩效職與汝金腰黃陝右邇邊境汝
曹多名望汝作臬府副職任汝自強再拜受恩
命吉日戒行裝舉手謝朝列馳驅辭帝鄉七月
時雨霽都門秋氣涼路旁擁冠蓋祖道陳壺觴
相送不忍別携手上河梁北風來拂拂河水流
湯湯斗酒傾未已旃帟風中颺共言當此去何
以答聖皇當知職分盡安肯負寸長皇皇夙夜
際肅肅寅畏將寃民頌定國奸貪避張綱殷勤
同年友勸勉陳詩章

栢臺感興

晨坐栢臺上栢樹陰且濃羣鴉方蔽集曉日初
曠曠風吹栢樹枝玉露滴臺中臺下有芳葩朝
來不禁風一動盡披靡况能保隆冬於焉重有
感使我德愈充苦無歲寒操對此亦何容

其二

南國有佳人安居在深闈貞靜備淑德婉變多

歷代詩選 明陳鶴
令姿中饋素所諳女紅亦其宜柰何家貧薄良
媒不相知桃夭未見賦標梅已愆期隣人爲興
歎彼心終不移嫁郎須柯斧大節安可虧世間
苟得者視之良忸怩

寄弟養志

別汝一載餘思汝心轉切不知汝在家所爲何
事業男兒貴立身出處當豪傑汝志素云養汝
性亦不拙勉勵方成人優游總無益旦夕奉親
餘無令廢書籍青春不再至歲月莫虛擲有司

取人才文章要矜式熟路馳輕車任爾隨所適
非我私杜撰乃我所親歷萬里寄汝言爲我銘
胸臆

送金少卿尊甫致南安太守政歸

都門七月天氣涼榴花落盡楊葉黃送君載酒
都門道疋馬此時思舊鄉君家金陵江上住家
世冠裳朝夕聚蠹簡牙籤滿几牀芝蘭玉樹當
庭戶自昔聰明夏不羣讀書萬卷思庄君三策
袖中未及獻一官贊務攄忠勤九年出補南安

歷代詩選 明陽館刊 五
守籍籍聲名滿人口列郡官僚不敢欺繞村黎
庶皆耕耨黎庶耕耘歲每登黃堂白晝清如水
門無私謁心常泰獄少冤民訟不興邇來考績
朝帝所臥轍攀轅民父母共願眼前留寇恂母
令去後思何武黃門有子久鳴珂遠來相見情
如何人爭京國誇橋梓君却還山慕薜蘿平明
躍馬長安路絲繩玉壺酒如乳遙波落木愴離
情明月白雲引歸趣鳳臯山南白鷺洲昔年別
處今白頭秣陵風景常在目却羨長江天際流

送丘黃門甥林士元歸閩

南閩九月天尚熱北京九月寒將迫北居南人
却憶家一日梁橋幾人別君家舊住閩山陬柴
門流水清且幽薰風琴韻林間石清晝書聲松
下樓黃門舅氏真儒者每日相親情更雅春山
載酒共追隨曲几新詩興來寫一從去作青鎖
郎螭頭載筆侍君王幾年會面不可得萬里相
思道路長相思萬里情無已跋涉擔簦遊帝里
都城城北忽相逢傾蓋論情一何喜朝回日日

相歡娛花下酌酒斟滿壺長安曉月隨吟步公
邸春風拂坐裾寸心乍伸歡未久又向都門惜
分手滿天秋氣盡白雲幾處微霜脆疎柳男兒
讀書須成名看汝骨骼何崢嶸風期折桂朝金
闕還言似舅卽賢甥

夜坐

公館歲將闌更深不覺寒宦情甘寂莫民隱苦
艱難渡近潮聲逼窗疎夜色殘何人沽美酒小
酌成歡

題李叔玉太守園亭

不羨諸侯貴還尋畎畝春開軒臨綠野鑿沼養
紅鱗橘子經霜熟梅花近臘新興來多妙句倡
和屬何人
無語寄表弟謝仲平
內弟吾鄉彥多才學亦優幾年客京國那肯謁
諸侯齊魯觀風過江湖覽勝遊琴樽今未共回
首暮雲浮

又

歷代詩選

月原鏡刃

次集卷卅六

二

五

為客江南地蹉跎兩見梅舊鄉殊在望家信數
傳來晚浪隨風急朝霜似雪堆良朋懷未已悵
望獨徘徊

送趙廷振令海豐

無諸城外逼初冬送客南行思不窮近听蘆花
飄淺素平山楓葉墜殘紅地連百粵通閩嶠路
出三陽是海豐君去治民須德化蠻歌和處草
從風

題李梅庵太守園亭

歸來林下自仙流結構茅亭事事幽二頃稻田
春徧種一區蔬圃熟堪收甕頭酒美臨池酌花
下詩成與客酬此外紅塵都不到何妨山水恣
夷猶

曹南詠柳

雙河流水日悠悠曉際微濛片月幽色映石橋
宜客坐光搖蘆渚駭魚遊幾家砧杵聞前岬何
處書聲起近樓五馬觀風人早起也宜清興豁
吟眸

又

桑柘成林一望遙長村景物此時饒初生細葉
籠朝露下長柔枝近野橋秋社散時人踏影春
蠶眠起女攀條從今民免無衣歎善政行看播
頌謠

江田陳氏家傳云公諱維裕字饒初自幼力
學通經史善古文詞精于篆隸天順庚辰成
進士一廷試對策稱旨擢河南道監察御史
特旨凡天下大小官員不法者得以便宜糾

核公既承知遇慷慨直言章疏無虛日居官
廉介端勁執而不同遇事立斷人服其當雖
戚畹大臣一無所回互海內望其丰裁奉詔
典試兩京時曹石用事請託不阿仍抗章劾
之曹石環泣上前泥首訴寃不爲之動云

古今詩選

明

九

石倉十二代詩選
明次集卷三十七
崇仁吳汝弼著
後學曹學佺閣

石倉十二代詩選

明次集卷三十七

康齋集

大明

崇仁吳汝弼著

後學曹學佺閣

遊黃嵐坑

桃李薰太和晴光爛如許寧知明日花不有宵
來雨芳原縱游衍呼童供笑語徘徊綠蘿峰悵
望清溪澈皤皤固同胞熙熙盡吾與悟彼靜者
心樂此勤時趣煙村歸去遲暝色迷雲墅

遊南岡及下陂山水

康齋集

明次集卷卅七

次集卷卅七

上

朝出蘿溪坂夕返蓮塘曲煙樹眺參差岡巒媚
重複道泰物本小慮澹意自足山人畱酌斟舊
侶論心腹歸來美清夜雲和暢寒玉

牧黃嵐坑

朝來抱微疴殘編減新課出門悵何之言歸無
所作忽乘谷口興偶此崇岡坐契彼造化微覺
我顏齡情振衣一嘯歌煙村夕陽墮

牧轉岡頭

寒裳陟崔嵬沈吟不知去塵襟一蕭散逸興迷

雲樹梅殘誰氏花麥漲朝來雨隣牧左右來往
事更相語預期明日晴重作青山侶

遊龍門七寶寺

病軀愜初景動息頗自由不愜風雨倦來貪山
水幽穿雲路窈窕搏空行遭週危峰傑筆卓疊
嶂翠屏稠契我遺世想遂此物外遊

沿上編茆爲亭取程子秋日之詩名曰白

得夜坐其中因成此句

幽懷不能寐攬衣造新亭曲池湛華月芳樹還

歷代詩選 明身身
冥冥羣峰遠映帶一水近
洞深坐久歡未竟夜
迥氣逾澄寂感玄化微伊洛歆餘馨

題水竹居

結架嵒間曠曼然而寥廓
水環白雲隈樹帶青山
山郭雲霞生我衣魚鳥同人樂
日余固靜者佳茗留賓淪意遣澹忘歸
會心彌灑落緬懷恍如夢賦詩酬舊約

贈王徵士

病白雲中苦身正懷舊忽枉故人盼
青山得

携手晴窗坐南薰薄言勸春酒
眷然惜離羣問答殊未久
荒村多寂寥還能重來否

別鎖秀才

覓渡臨清流故人更同舟
細語昨言詩別懷總悠悠
送送山之麓春花多躑躅
長揖東風前浮生兩相勗

遊南坑岡

松邊涉幽徑天朗雨新霽
矯首立崇岡疊嶂羅迢遞
塵慮都澹然二儀足清氣
妙趣匪言傳飄

歷代詩選

明吳郡

三

飄離人世

園內

長夏日已晚歸鳥皆投林幽獨悅茲園把書行
且吟花竹流芳淨蔬果生意深兩間有妙趣長
契靜者心

四月四日

客牀起復眠中心悵遐慕嗟我羈旅人茲且惟
初度豈獨別離深髮髮久垂素形留空役神迢
滯江路

宿章廣文館

虛齋罷清話拂牀事枕席青燈滅餘燼斜月流
素壁弟子富書聲感之增歎息沈疴久纏綿那
由共茲夕

月夜憶友人

階除境向寂客思渺無依美茲風月夕正是懷
人時欲敘平生心相見各未期百年若流水如
何長別離

聞笳

歷代詩選

明吳郡

四

次集卷卅七

可

歷代詩選
明史原
扁舟晴泊桂渚沙葦苗滿目稀人家夜江漠漠
星橫斜東風吹鬢憐春華隔江巨舫寂無譁數
聲悲響空中笳響徹碧霄誰怨耶悠悠綠水天
一涯

山中歌次王右丞韻

地寥寂兮山深聊棲遲兮林木欲寡過兮身輕
日往來兮幽谷行愧今兮交疎心悲古兮趣獨
理枯槔兮灌園更蹇蘿兮補屋晨光澹兮觀魚
夕陽牧兮飲犢居從靜兮積塵歲願豐兮登穀
戒迂學兮獨名嫌芳志兮干祿惟造道兮是期
何富貴兮可卜

卽事

吟斷難成調塵編重繹尋興亾今古事寂莫野
夫心新月何時滿寒蛩無數吟夜深雙過鳥猶
自戀高林

過南康

迢遞見危樓家家枕碧流山高雲氣近江濶浪
聲浮事業懷先哲英雄慨昔遊幾多今古興斜

願不言選
日滿芳洲

寄梁訓導

未到都昌縣相思預計程
連綿官舍飲浩蕩故鄉情
柳色雨來長梅香霽後清
極知期待遠別語記分明

山行

野水荒村僻雲林細路斜
晴松張翠蓋秋果熟丹砂
悵望淹鄉曲蹉跎改歲華
西風吹薄袂興緒遶天涯

登擬峴臺

地據東南勝臺分襄楚名人煙
紫近市竹樹層城愁逐登
臨散神因眺望清窮通看萬物未
易達浮生

贈戴錦舟先生

樽酒黃城夜交期是偶然
文章元共貫談笑劇忘年
近臘梅初放凌寒菊正鮮
同衾坐無寐高興雨綿綿

送饒提舉之官廣東

歷代詩選

月是懷齋

次集卷廿七

六

可

歷代詩選 卷之六
奉節承深寵之官過舊鄉親闈春漸暖宦路日
舒長嶺樹連雲綠江流過雨黃倚門應有望雁
信好頻將

讀罷

隱几初收卷巡檐更出庭晚雲隨雨散霽月近
人清客久無違性吟多獨稱情榮枯何足問清
白是家聲

曉出

際曉出柴扉清涼過雨時落花香滿逕芳樹綠

成帷鳥哢有餘暇水流無盡期值予歸與祭
咏正相宜

贈別友人

惆悵一年別殷勤百里來冰霜苦節在宇宙壯
懷開白雪傳新卷青春遁客杯紛紛楓葉下獨
伴野人回

別西湖

送送長村外新詩咏不休浮雲日色薄隨地露
華稠曲逕緣林轉深溝帶葉流家山應暫住更

歷代詩選
得話綢繆

禪嶺卽事

傍險躋攀倦臨高眺望賒天連蒼野濶樹帶小
村斜晴靄山何處寒煙屋數家躊躇懷往事容
易改年華

睡起

久客逢寒食芳年損病心幾時鳴雨歇終日落
花深親夢凝官舍鄉魂繞故林晝長春睡起寂
寂寫孤吟

東朱學正先生

伊昔起予深相逢久別心老成欣德重薄劣愧
年侵夜雨添新思秋風憶舊吟正期談笑密還
念欲分襟

重訪盛山人

舍館曾畱宿園林此更過菓嫌秋熟少苗歎雨
傷多寄遠書應達移居事若何秋風微冷後有
待碧山阿

寓寶應寺

歷代詩選

明長庚齋

次集卷卅七

八

古塔饒高興重臨又幾年雲煙清曉際花柳仲
春天病眼得無恙塵襟已曠然題詩人欲去好
鳥正蹁躚

族叔父仲學先生春月承訪時賃屋方定
茲別數月矣有懷寄詩

憶昨煙花暖正繁偏勞玉趾到山間寓居縱跡
今方定入道工夫總未閒囊裏有書供日眼樽
前無酒醉春顏別來新趣知多少濯濯垂楊在
水灣

秋曉

風來夜枕寒雲生曉窗雨旅思共秋清遙思故
山侶

新莊渡

渡頭舟已發隨意坐芳洲白石聊爲硯題詩蘸
碧流

友人至

獨繞煙村來共茲玩雲月細語夜已闌深意殊
未歇

縱步

幽花發清香芳林漲新綠閒聽山中禽更倚籬
邊竹

村中即事

春光被四野行欣物華茂寂寂竹林邊幽禽語
清書

弹琴

寂寥春夜間几閣孤燈照邈爾形役忘絲桐正
清妙

沙陂

長煮石罅冰廣浣溪中雪清風生夜寒澄泓浸
秋月

曉起

夜氣春融和曙光晴皎潔漠漠碧雲端斜露清
輝月

大同峽

秀峙交翠屏清吟響寒玉谷鳥時一鳴蒼苔此
幽獨

宿湖頭

野曠雲俱暝江空雨未休問程頻策馬燈火宿湖頭

宿格山禪林寺

騎從無勞發秋山與客遊禪窗無寐處竹月湧寒流

野橋小憩

晴日催歸路平橋又息躬雲峰四面壁霜葉一溪紅

龍井道中

石壁話龍湫青山夢裏遊長亭新霽雨隨處感高秋

宿上清真應觀

細雨長途暝投裝處處艱何如高枕夜清興在茲山

坑口舖

回頭候火伴遲遲行復歇山舖時聞名陰崖忽逢雪

宿白梅洲

道傍茆屋是誰家
薄暮東來一稅車
敗壁不堪題姓字
時從籬槿看秋花

雙燕春日營巢簷間未成而去夏復成之

因題絕句

憶昨初開桃李花
銜泥飛傍小窗斜
春風一去無消息
何處歸來更作家

松下

倦來更向山中憩
滿逕松陰白晝長
藉地不知

孤坐久遺編
初誦兩三行

感興

月到芭蕉影坐斜
好天良夜興無涯
金風聲漏千竿竹
玉露光生一砌花

題畫

瀑洗層崖淨世氛
陰陰苔徑足南薰
日長誰是山中伴
袖手前溪看白雲

墨梅寄同安李宜之

學疎才薄諒何爲
牢落塵蹤閱歲時
祇有梅花

歷代詩選 明少康頌
共心事便風吹向故人知

山中卽事

水自幽偏山自深竹窗花牖晝沈沈逢人若問
浮生事半是閒眠半是吟

柬陳進士

獨凭吟几坐清朝閒看行雲面碧霄忽憶故人
秋寺裏西風琪樹雨瀟瀟

曉立

靈臺清曉玉無瑕獨立東風翫物華春氣夜來

深幾許小桃先發兩三花

感舊遊

石橋門巷落花深晴日光風鳥亂吟人事暗墮
春夢換綠楊還似舊時陰

上頓渡舟中

驅馳年少未應勞萬事無心任所遭收拾琴書
辭故郡江山隨處是詩豪

登舟入楚

步出淦城弔古餘前程仍復是舟居客身到處

歷代詩選 明辨原
無榮辱隨分蕭條兩篋書

枕上絕句

賢聖微言玩愈精
夜分無寐更分明
十年醉夢迷南北
一點寒山雪後青

次梅根

風色瀟瀟生暮寒
月明催棹下奔湍
孤舟繫穩更相勞
又得長江一日安
板橋客夜

達得浮生去住輕
江樓遇夜旅魂清
遠書作罷

孤燈靜霜月淒涼
雁數聲

贈傅秉彝

洗墨池邊春草長
重來懷舊意茫茫
嗟院容易青春晚
秋髮能禁幾點霜

閒趣

野水雲山隔市塵
日憑閒散養吾真
茆簷迥匝多芳樹
行處清香暗襲人

寫懷

意緒依依萬感餘
羸軀應只倚樵蘇
哀歌欲寫

難成調幾傷霜簷對月孤

夜牧

涼氣蕭蕭露滿衣碧天如洗月光稀
浩歌一曲孤村寂綠樹陰中牧犢歸

灌禾

田頭一一荷鋤過自放寒流灌晚禾
隨分不辭筋力苦坐看明月好懷多

懶吟

時止時行學養痾人心天氣共融和好懷却懶

詩拘束不似前時苦思多

同士當度橫琴嶺

仄徑依微落照殘行臨絕頂暫怡顏
他年記得馳幽處煙樹參差遠近山

贈故里親友

跋涉西還訪舊居故人心緒總何如
平生拙學無他技到處逢人勸讀書

寄胡子貞

空慚廢學不成章半百年華感興長
惆悵故人

歷代詩選 明辨題 五
頭總白青山歸夢遶蓮塘

望家山感懷

望望家山近故丘西風疋馬悵高秋舊遊歷歷
人如夢昨日少年今白頭

發桂家林

故人迎候暫維舟行李匆匆去莫畱白首相逢
多病後西風斜日雨綢繆

宿板溪

離却蓬窗宿此溪青燈華屋夜吾伊芳筵倦酌

辭清醕隨意閒裁聽雨詩

客夜

苦心遙夜歎浮生時聽書聲雜雨聲但得晴明
遊覽畢青山回首數歸程

九蓮寺卽事

竹樹深深隔世機野人心事幸無違簡編隨意
閒舒卷盡日春窗獨掩扉

重宿白陽寺

策馬平橋又問禪萋萋春草月娟娟蕭然一榻

平安夢夜半溪聲落枕邊

自慈明寺東遊龍安鎮

面面春山湧翠華
灣灣綠水漲晴沙
客懷恰喜東遊好
高下樓臺遠近花

題樟溪書屋

桑梓陰陰接兩湖
湖邊心事寄俞都
風流雲散春光暮
幾對溪頭夜月孤

閒中偶述

花木沈沈庭寂寂
蒼苔盡日稀行迹
支頤窗下

一沈今人間幾片韓山石

發孔家渡

茫茫新漲漾晴洲
華髮寧知非勝遊
未了平生山水債
又從臨汝附扁舟

南康舟中

滿懷今古悵悠悠
舉目江山盡勝遊
華髮又堪來幾度
可無新句詠清秋

牆下對淮山獨坐

徐步閒來藉草吟
淮山面面感人深
若爲飛度

晴嵐表一覽中原暢夙心

寄贈李春

天柱峰前憶舊知江湖秋興轉淒淒金臺早得
春消息好寄東風汝水西

次嘉興

越中程盡入吳中攜李城頭問阿蒙懷抱心期
何處寫一江煙浪雨冥濛

夢與三人觀漲擬同訪朱子

曠百千秋感慨深依依不料是何心金鷄忽報

春窗曙惆悵殘魂帶病吟

宿西廨彭氏

宿雨天晴路不賒高堂綠酒映燈花金鷄聲裏
微吟覺歸夢分明先到家

發張家石

黃昏西北浮雲歛清夜東南霽月明紅日滿窗
春睡穩拍天新漲棹歌聲

貴溪道中

懶慢宜閒不得閒衰齡却事道途間曉程勿遽

嚴牽路晝夢依稀在故山

夢家

百體衰慵兩眼花雲山久已隔紛華
宵寐曾水橋邊榻一片離魂只在家

舟中見紅樹

船頭時作望鄉吟難寫浮生去住心
却恨不知爲客久誰家紅樹報秋深

發石頭城

舊遊將徧問歸程晴色東風一舸輕
楊柳堤邊

吟望處青山猶是石頭城

次荻港

晴蕪眺罷事霜毫點染秋雲散海濤
餘興歸來眠未得蘆花寒月滿江臯

進賢道中

詩思鄉心共落霞連村紅樹勝春花
少年髣髴曾遊處獨立蒼茫兩鬢華

遊塔山

去歲茲晨發望江風帆夜泊小姑旁
來歌此地

歷代詩選 明吳康齋
懷萍梗紅樹新晴候早霜

寄郡庠陳廣文

濫竊時名負愧多勞君兩辱碧山阿墨池泮水
宵來夢紅樹西風寄短歌

後遊山

昨日登臨興未窮重遊喜得數生同峰頭徙倚
忘歸處詩在雲煙杳靄中

白楊溪過葛藤科

港下歸鞭問葛藤名科山水總含情朋遊迎送

秋江晚古渡寒流月影清

發儀真埧

戊寅此日度真州埧上閒書幾字留薄暮喜投
楊子宿青山近接石城秋

舟中卽事

蓬戶青燈照夜長觀星翫月水雲鄉候當小雪
寒猶淺十月初旬始降霜

萬石渡舟中

抄書曾作豫章行記得扁舟此夜橫異日重來

歷代詩選 明別處
頭盡雪不堪惆悵憶平生

發豫章

掛席西來孺子亭小陽春煦快輿情滿懷今古
憑誰問獨對西山一帶明

邵武道中

到處濺濺水澗通回頭頻憶白雲蹤每逢佳境
疑眸久細數春山遠近峰

宿分水嶺

躡盡崎嶇山復山白雲堆裏宿聞關瀟瀟風雨

清明候千里琴書此地還

蔣蓮舖

當年曾此課兒詩渴立途中澗飲時物候幾經
新節序布衣猶是舊心期

午爨白沙寺

沿道逢人問白沙樵蔬喜達老禪家竹林清趣
微吟罷素壁題名日未斜

別謝步

遺編已返司成宅行李言還賤士家紅日清霜

新雨後高吟隨處看梅花

與豫章吳生沼上亭子話舊

兩地關心久別情相招亭子話平生青藜緩步
歸來好細詠新詩對短檠

石倉十二代詩選

明次集卷之

石倉十二代詩選

明次集卷三十八

一峰集

大明

吉安羅倫著
後學曹學佺閱

和陳白沙

君年四十八我年四十五百年幾會商念此長
恨苦金臺首相見各致霞外許擁懷素心人動
輒屈指數賁然三子來歡聲撼茅宇瀧濱是曹
溪連宵對牀語

松雲為易德元父世衡題

歷代詩選

明羅一峰

次集卷世八

一

士

歷代詩選
卷之四
嶢嶢白雲東松樹幾千尺曾經秦漢來萬古橫
一碧黑風捲青山白晝飛霹靂須臾洗層霄見
此太古色穿簷清露繁研硃點周易

讀太白詩

太白橫西天萬古色不改至人孕元化風豪驚
百代青天騎白龍傲蕩弄雲海太白邀我來招
手六合外悟然若無言迷途杳非礙

定陳兪憲粹之和四皓圖

秦坑氣燠天商山色方好一鹿走寰中孤鳳鳴

秋昊多謝赤松徒設網招此老片語回天心一
氣噓萬槁遂令箕帚妄敢把漢宮掃噫嘻隆準
公作事何潦草

金鼈霽雪

東極蟠金鼈寒通雪山白祝融鞭火龍六月銷
不得曾上金鼈頭已在崑崙側只恐金鼈飛白
玉橫天勒

三峽廻清

百里蟠天城天河下縈互羣龍吻淵潛衆蛟輕

歷代詩選 明羅一峰 二
使負源通崑崙丘影接扶桑樹日暮聞棹歌武
夷是何處

遊翠玄幽玩

玉堂囊青山母乃巨靈擘羣仙燕清都一壺春
拍塞紫氣來青牛窈然望南北指點極虛無太
玄本無色

挽揭竹菴

竹菴亡此老伏臘走比隣碧草他生夢黃花刃
夢身石田孤鶴瘦爐水五湖貧却憶經行處西

風淚滿巾

南村別墅爲饒松坡題

吾愛南村好頻過處士家白雲留客住濁酒隔
牕賒陰壑藏春雪清溪洗暮霞自今來往慣薇
蕨早生芽

公甫感秋有吟因寄章德林莊孔暘及倫

三人因次其韻

天地秋氣動萬竅無定音山河孤鶴夢風雨一
龍吟青眼有時客白雲何處心思君令人老華

歷代詩選
明
髮長千尋

佛嶺

胡塵特地起孤憤奈天何翠玉樓前淚黃雲塞
下戈二龍爭北野孤鶴夢東坡却憶樊籠外乘
槎欲泛河

扇和巖次容彥昭

陽和在深谷氣候無冬春山魃憎過客巖燕喜
來人風軟瓊枝脆天清玉宇新桃花逐流水去
住任天真

毛氏西園次容彥昭

毛氏西園好溪南未有之參橫虎出夜松
歸時病骨青藜杖秋香短竹籬小窗孤榻在合
眼見巢夷

書崇仁萬山僧房廖欽止處登瀛州達此

寺三十里

王道荒東漢山名自太康幾衡斟北斗雲雨動
西方客夢雲隨鶴禪心月在牀登瀛三十里前
去滿風光

送饒經歷還金谿

問病來金嶂高談徹玉關何人無白髮吾道有
青山雲水流行處漁樵問答間孤舟今夜別明
月共君還

題徐節婦卷

懶拈鸞鏡掃蛾眉羞見楊花別故枝芳艸有情
還夜合貞松無夢與春移婦人自我如男子造
化從他似小兒一片鐵心編不盡直從剛後更
無詩

答夏憲副止菴見贈

高堂明鏡萬莖秋屋上西風撼不周鑿沼且
明月住買山初爲白雲謀誰呼鐵笛先招鶴自
着蓑衣早放牛道在莫須同出處此心還向止
菴求

題饒雲峰山水

年拋造化外氣入煙霞間夕陽林下路白髮照
青山

又

素琴本無絃白雲本無心
虛舟在野水從知浮與沈

題饒松坡畫

雲移山不動客去水相隨
高卧南窗意義皇
自稊

又

一棹歸何處柴桑是我家
莫言嫌一飽籬下有黃花

夏

閣不受暑條然午夢涼
棹歌何處起清吹落滄浪

寄廬陵薊城梁德剛歸自南雍

笑殺梁園老秦淮醉幾秋
歸來無一語酣意看吳鈞

題蘭與饒裕

翠袖舞春暉光風感自微
夜深渾不寐玉露點羅衣

題竹與蕭球

歷代詩選

卷一百一十

七

玉英臺下路半夜舞青鸞龍孫眠不得疎影上欄干

和林緝熙題宣和殿臨韓幹馬

夢入黃鸝紫殿陰天津空費杜鵑心宣和玉輦君休問老在西風五國林

中秋日送馬生歸南海

青天拾得中秋月照破闍浮萬劫塵昨夜長風吹不斷清光隨着海南人

題新喻袁孝子方秦艸亭

